

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Basozainek Oskotzeko (Imotz) minda-putzutik zikoin zuri bat erreskatatu dute

Alturan Interbentzioak egiteko Nafarroako Taldearen parte-hartzea beharrezkoa izan da

Osteguna, 2018.eko urriak 25

Nafarroako Basozainek pasaden asteburuan Oskotzen (Imotz) minda-putzu batean harrapatuta geratutako zikoin zuri bat erreskatatu zuten. Eremuak eragindako zailtasunen eraginez Alturan Interbentzioak egiteko Nafarroako Taldearen (GIAN), eta zailtasunak aurkezten dituzten egoeretan parte hartzen duten kideen, laguntza behar izan zuten.



Minda-putzuan erreskatutako zikoina.

Herriko bizilagun batek zikoina aurreko egunetik bertan harrapatuta zegoela eta atera ezinean zela adieraziz abisua eman zuen. Zikoinak hankak eta hegoak lokaztuta zituen eta horrek hegan egitea eta mugitzea oztopatzen zion.

Zikoinaren erreskatea

Irurtzuneko zonaldeko Basozainak minda-putzuraino gerturatu ziren baina eremuko zailtasunak eraginda ezin izan zuten hegaztia zegoen tokiraino iritsi eta horregatik Alturan Interbentzioak egiteko Nafarroako Taldearen laguntza eskatu zuten.

Erreskatearen ondoren zikoina Ilundaineko Basapiztiak berreskuratzeko zentrorera eraman zuten, non garbitu eta jaten eman zioten. Behin indarrak berreskuratzen dituenean Nafarroako Erriberako arroz-soro batean askatuko dute bere bidaiarekin jarraitu dezan.



Zikoinaren erreskatearen uneetariko bat.